

■ COLUMNA

# Bainvegni a See-drun

DA GION FRY

**G**ia da buob hai jau Grimnà tut ils prospects da hotels e destinaziuns turisticas ord la regiun. Quels stampats hai jau sortì e magasinà en ina gronda stgatla da chartun. Adina puspè hai jau prendì enta maun in da quels imprimats e guardà las fotos e legì il text. Sin ina carta postala nostalgica steva mes slogan preferì: Z'Se-drun wirsch brun. Quai era cler e simpel, mava en rima ed era chapibel per mintgin. Curt e bun: In tir en il nair. Gia lura avev jau chapì che buna reclama reducescha il messadi sin l'essenzial – «reduce to max» pia. Che quest slogan era propi ferm demonstrescha er il fatg ch'i dat anc oz persunas che sburflan viadora sco emprima frasa quest slogan sch'els vegnan confruntads cun il num Sedrun.

**B**rins vegn ins anc oz a Sedrun. Era las bellas ustarias che sa mettan en retscha sper la via principala èn anc là ed envidan da star pacific e da giudair



bainduras in dapli che quai ch'ins supporta. In bun di da stagiun auta regorda quest tac da Sedrun cun ses traffic e la fulla da giasts a la promenada d'Ascona ils onns 80 avant l'ereziun da l'untgida.

**M**a la tschertga da lur posiziun en la rait da destinaziuns turisticas e l'ereziun da novas attraziuns para magari da stgientar ils radis embrinants dal sulegl da muntogna a Sedrun. Visiuns sco la Porta alpina cun in ascensur pli aut ch'il Burj Khalifa eran in pèr chalzers memia gronds e la realisabilitad steva betg en relaziun cun las consequenzas che fissan

resultadas. Uss è in nov project dubius sin rucca. La lètg cun Ursera (effectivamain sa tracti d'ina amurta unilateral cun in calculatur diraglia cun num Orascom) derasa nova speranza e leventa novs desideris. Igl è da sperar ch'il sulegl egipzian chaschunia en questa chaussa nagina arsentada dal sulegl als protagonists indigens.

**L**egraivel dentant è la Lconstrucziun dil nov lai da far bogh a Sedrun. L'investiziun en indriz da temp liber per la stad è trend en Surselva. Igl è in pitschen project, bain realisabel, dal qual indigens e giasts profiteschan medemamain. In pass en la dretga direziun damai che questa purschida augmenta l'attracziun dal lieu. Ev. stuess ins il medem mument era anc adattar il num dal vitg en «Seedrun» – in pitschen «e» dapli ed il «Glamour» fiss qua. E tgi sa, forse entupass'ins lura schizunt in giada il Samih, noss bun ami dal desert african, tar in refrestg en il lai a Claus Surrein.